

التاريخ الصحيح

Догъру тарих

بلغة تار القرم

% % % % %

Урьметли окъуйыджы!

Алемлернынъ Робби, Тек Яратыджы, башы ве сонъу олмагъан, вакъыт ве ерсыз бар олгъан. Юдже Аллаһкъа хамд олсун.

Пейгъамберимиз Мухаммад, солляллаһу алейһи ве саллям, саят веселямлар олсун?

Дюньягъа кельген бутюн Пейгъамберлернынъ дини – Ислам, яни Аллаһкъа итаат, эди. Сизнинъ дикъатынъызгъа Ресуль ве Пейгъамберлеримизнинъ аятларында бир къач мисаллер авале этемиз.

Элинъиздеки «Догъру тарих» адлы китаб сериямызнынъ биринджи китабыдыр ве балаларгъа башлангъыч бильги бере.

Китабларда берильген малюмат анълайышлы ве енгиль тильде язылгъан.

Муэллиф

1-нджи Дерс.

Яратылгъанларнынъ ильки - сув.

- * Аллаһ ильк оларакъ сувны яратты. Бу сув коклернинъ устюнде.
- * Сувдан сонъ Аллаһ Аль-Аршны яратты.
- * Аль-Арш - курсюге ошагъан буюк шей.
- * Аль-Арш дженнетнинъ таваныдыр.
- * Аллаһ къинатта олгъан бутюн шейни яратты ве ич кимсеге ве ич бир шейге мухтадж дегильдир.

Суаллер:

1. Аллаһ ильк оларакъ нени яратты?
2. Сувдан сонъ Аллаһ нени яратты?
3. Аль-Арш недир?
4. Эр шейнинъ яратыджысы кимдир?

2-нджи Дерс.

Дженнет.

- * Дженнет единджи кокнинъ устюндедир.
- * Дженнет пек дюльбер ве балабан.
- * Дженнетте сув, терек ве пек чокъ чечеклер бар.
- * Къушлар дженнетте дюльбер сеслернен отелер.
- * Дженнетте адамнынъ истеген шейи бар.
- * Аллаһ дженнетни, тек пейгъамберлерге инангъан ве оларнынъ айткъанларыны япкъанлар ичюн яратты.

Суаллер:

1. Къач кок бар?
2. Дженнет къайда ерлешкен?
3. Дженнетни тасвир этинъиз.
4. Дженнетнинъ ниметлери акъкъында бир шейлер айтынъыз.
5. Аллаһ дженнетни ким ичюн яратты?

3-нджи Дерс.

Ильк адам - пейгъамберимиз Адем ('алейһиссалям).

- * Аллаһ Адемны топракътан яратты.
- * Аллаһ Адемны ана-бабасыз яратты.
- * Адем - биринджи адам.
- * Адем - биринджи Ресул ве Пейгъамбер.
- * Адем дженнетте 130 йыл яшады ве ич бир вакъыт хасталанмады, болдурмады ве кедерленмеди.

Суаллер:

1. Аллаһ Адемны неден яратты?
2. Дюнъяда ким биринджи адам?
3. Ким биринджи Пейгъамбер ве Ресул?
4. Адем дженнетте къач йыл яшады?

4-нджи Дерс.

Ава

- * Аллаһ Адем ичюн къадын яратты ве адыны Ава къойды.
- * Ава Адемнен дженнетте узун ве яхшы омюр сюрдилер.
- * Ава яхшы къадын эди ве олар бир-бирини пек севе эдилер.

Суаллер:

1. Пейгъамберимиз Адемнынъ къадынынынъ ады не эди?
2. Ава Адемнен къайда яшады?
3. Дженнетте Ава насыл яшады?

5-нджи Дерс:

Пейгъамберимиз Адем(‘алейһиссалям)нынъ тыш корюниши.

- * Пейгъамберимиз Адем пек дюльбер эди.
- * О пек юксек бойлу эди.
- * О пек дюльбер ве гузель сесли эди.
- * О ич бир вакъыт чыплакъ юрьмей, урба кийип юре эди.
- * О чиркин ве титиз дегиль эди ве бир вакъыт айванлар киби дёртаякълап юрьмей эди.
- * Онынъ къадыны Ава да пек дюльбер ве юксек бойлу эди.

Суаллер:

1. Адем насыл эди?
2. Ава насыл яратылды?

6-нджи Дерс.

Адем ве Аванынъ динлери.

- * Адемнынъ дини - Ислям дини.
- * Аванынъ дини де - Ислям дини.
- * Олар экиси де Аллаһны пек севе эдилер ве тек Аллаһкъа ибадет эте эдилер.
- * Олар намаз къыла эдилер, ораза тута эдилер ве аджылыккъа бара эдилер.
- * Олар пек юксек намус саиби эдилер.

Суаллер:

1. Адем ве Аванынъ дини насыл дин эди?

7-нджи Дерс.

Адем ве Аванынъ дюнья аятлары.

- * Дженнеттеки узакъ омюрлеринден сонъ Аллаһ Адем ве Аваны дюньягъа тюшюрди.

* Аллаһ оларгъа чокъ бала саиби олмагъа насип этти.

* Оларнынъ дини Ислям ве араларындан ич бир вакъыт кяфир яни инанмагъан ёкъ эди.

Суаллер:

1. Дюнъягъа кельмеден эвель Адем ве Ава къайда яшадылар?
2. Аллаһ оларгъа бала насип эттими?

8-нджи Дерс.

Адем('алейһиссалям) - Пейгъамбер ве Ресул.

* Аллаһ, Адемны Пейгъамбер ве Ресул къылды ве къадыны ве балаларына пейгъамбер оларакъ ёллады.

* Адем оларны Тек Аллаһкъа инанмагъа ве Аллаһкъа ортакъ къошмамагъа огретти.

* Адем озь балаларына абдест алмагъа ве намаз къылмагъа огретти.

* Адем балаларына бир-бирине яхшы мунасебетте булунмагъа огретти. О балаларына бир-бирини алдатмамагъа, ялан айтмамагъа, бир-бирини севмеге огретти.

* Адем оларны самимиетликке огретти. Самимиет – темиз ниетнен яплыгъан иш ве мукафаты тек Аллаһтандыр.

Суаллер:

1. Адем кимге пейгъамбер оларакъ ёлланылды?
2. Пейгъамберимиз Адем озь балаларына неге огретти?
3. Самимиет не демектир?

9-нджи Дерс.

Адем('алейһиссалям)нынъ тили ве нуткъу.

* Адем пек дюльбер лаф эте эди ве дюньяда олгъан бутюн тиллерде лаф этмеге биле эди.

* О, озь балаларынен ишаретлернен дегиль де, темиз ве назик тильнен лаф эте эди.

* Адем кок, ер, денъиз, ава киби бутюн шейлернинъ адларыны биле эди.

Суаллер:

1. Адем насыл тиллерде лаф эте эди?
2. Озь балаларынен насыл лаф эте эди?

3. Адем бутюн шейлерни биле эдими?

10-нджи Дерс.

Адем('алейһиссалям)нынъ яшайышы.

* Аллах, Адемны ер къазмагъа, урба тикмеге, алтын ве кумюш пара япмагъа киби адий яшайыш шейлерни огретти.

* Аллах, Пейгъамберимиз Адемны кой ходжалыгъы алетлерини (сенек, тырнавуч) япмагъа огретти.

* О, Адем богъдай сачмагъа, себзе ве мейве экмеге ве оларнынъ берекетини джыймагъа огретти.

* Аллах Адемны богъдайдан отьмек япмагъа огретти.

* Адем эр шейни пек яхшы япа эди.

Суаллер:

1. Аллах Адемны не япмагъа огретти?

2. Кой ходжалыгъы алетлерининъ бир къач мисалини беринъиз.

3. Отьмек неден япыла?

11-нджи Дерс.

Адем('алейһиссалям) Кябени къурды.

* Аллах Адемны къуруджылыкъкъа огретти.

* Адем къапу ве пенджереси олгъан эвелер къура эди.

* Адем Меккедеки Кябенинъ биринджи къуруджысы эди.

* Адемнынъ заманында Филистиндеки Аль-Акъса джамиси къурулгъан эди.

Суаллер:

1. Адем нелерни огренди?

2. Адем эвлерни къура эдими?

3. Илък оларакъ Кябени ким къурды?

4. Кябе къайда ерлешкен?

5. Аль-Акъса джамиси къайда ерлешкен?